

HAKELA XIKWELETI LEXI KAYIVELAKA HI TI 29 NYENYANKULU KU PAPALATA MIXUPULO NA NTSWALO

PRETORIA: Ravumune, ti 7 Nyenyankulu 2019 – Vahakelaxibalo va na 22 wa masiku lawa ya nga sala ku hakela swikweleti leswi kayiveleke hi Ravuntlhanu ti 29 Nyenyankulu ku papalata mixupulo na ntswalo. Mitlheriso leyi kayiveleke yi fanele ku rhumeriwa hi xihatla.

Vahakelaxibalo va tsundzuxiwa no hlohloteriwa ku endla leswi lulameke, hi ndlela leyi lulameke na hi nkarhi hi ku tiyisisa leswaku swikweleti swa vona swa xibalo swa hakeriwa ku nga si fika siku ro hetelela, ku nga Ravuntlhanu, ti 29 Nyenyankulu, naswona mitlheriso hinkwayo leyi kayiveleke ya fayiliwa sweswi.

Vahakelaxibalo va lemukisiwa leswaku ku ta va na ntlimbano eka tinetiweke naswona va hlohloteriwa ku endla tihakelo ka ha ri na nkarhi hi 12:00 hi ti 29 Nyenyankulu ku papalata mihlweriso ya netiweke, ngopfungopfu eka leswi landzelaka:

- Mirhumelo na tihakelo ta VAT
- Tihakelo ta xibalo xa ekisayizi
- Tihakelo ta Xibalo xa Nkarhinyana xa CIT
- Malunghiselelo ya wena lawa ya nga kona yo hakela lawa u pfumelelaneke na wona na vufambisi bya swikweleti bya SARS

Loko u kanakana hi leswaku u kolota mali muni, u endla njhani hakelo, leswi u faneleke ku swi endla loko u nga koti ku hakela ntsengo hinkwawo hi xihatla kumbe loko u lava ku endla malunghiselelo yo hakela kumbe u nga pfumelelani na ntsengo lowu u wu kolotaka, u komberiwa ku tihlanganisa na SARS hi xihatla eka 0800 00 7277.

Tsundzuka, ku ka u nga rhumeli ntlheriso wa xibalo loko wu fanele wu rhumeriwa i nandzu wa vugevenga, naswona goza ra xinawu ri nga tekiwa loko u nga hakeli xibalo lexi u xi kolotaka SARS.

Ku na switirho swo hlaya swo londza swikweleti leswi nga kona eka SARS ku sindzisa hakelo ya xikweleti xa xibalo naswona leswi swi katsa:

- Ku hlengeleta mali ya xikweleti ku suka eka enthithi leyi nga khoma mali ematshan'wini ya wena hi ku tirhisa [Mitholo ya Vandla ra Vunharhu](#) Mitholo ya Vandla ra Vunharhu ku nga muthori, bangi kumbe khasimende.
- Ku humesa ahlulo no va vito ra wena ri ngeniswa eka nongonoko wa lava tluleke ntwanano
- Khomanisa no xavisa tinhundzu ta wena.
- Ku kuma xileriso xa nhlayiso mayelana na tinhundzu ta wena
- Loko u ri na tinhundzu ta le ntsungeni wa malwandle, xileriso xi nga kumiwa xo lerisa tinhundzu leswaku ti vuyisiwa laha Afrika-Dzonga naswona swa masungulo, mfanelo ya wena yo xavisa kumbe yo endza yi nga yirisiwa.
- Ku n'okisa kumbe ku Tekiwa ka Rifa ra wena.

Loko u ri na ku tikeriwa, hi ku hlohlotela ku tihlanganisa na hina ku papalata magoza lawa ya vuriweke laha henhla leswaku ya tekiwa ehenhla ka wena.

Vuxokoxoko byo tihlanganisa bya nkoka:

- Contact Centre ya SARS: 0800 00 7277
- Nomboro yo mangala nghingiriko wa xibalo wo ehleketelerisa na vukungundwana: 0800 00 2870

- Fomo yo mangala swo ehleketelerisa ya le ka inthanete eka: www.sarsefiling.co.za